

“ТАСДИҚЛАНГАН”

“Тадбиркорликни ривожлантириш
компанияси” акциядорлик жамияти

Кузатув кенгашининг

2024 йил “2” октябрдаги

9/24 - сон йиғилиш баёнига

1 – илова

*(Кузатув кенгашининг 2024 йил “23” декабрдаги
11/24- сон ва 2025 йил “28” апрелдаги 3/25-сон
йиғилиш баёнлари билан ўзгартириш ва
қўшимчалар киритилган)*

**“ТАДБИРКОРЛИКНИ РИВОЖЛАНТИРИШ КОМПАНИЯСИ”
АКЦИЯДОРЛИК ЖАМИЯТИ ТОМОНИДАН МИКРОКРЕДИТЛАРНИ
ҚАЙТА МОЛИЯЛАШТИРИШ ЁКИ УЛАР БЎЙИЧА ПОРТФЕЛЬ
КАФИЛЛИГИНИ ТАҚДИМ ЭТИШ ТАРТИБИ ТЎҒРИСИДАГИ
НИЗОМ**

“КИРИТИЛДИ”

“Тадбиркорликни ривожлантириш
компанияси” акциядорлик жамияти

Ижроия органи

Тошкент – 2024 йил

МУНДАРИЖА

1-боб. Умумий қоидалар.

2-боб. Микрокредитларни қайта молиялаштириш ёки портфель кафиллигини тақдим этиш мувофиқлик мезонлари.

3-боб. Микрокредитларни қайта молиялаштириш ёки портфель кафиллиги тақдим этиш тартиби ва шартлари.

4-боб. Мажбуриятларнинг бажарилиши ва ҳисобдан чиқарилиши тартиби.

5-боб. Якунловчи қоидалар.

1-боб. Умумий қондалар

1. Ушбу ““Тадбиркорликни ривожлантириш компанияси” акциядорлик жамияти томонидан микрокредитларни қайта молиялаштириш ёки улар бўйича портфель кафиллигини тақдим этиш тартиби тўғрисидаги низом” (кейинги ўринларда – Низом) Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни, Ўзбекистон Республикаси Президентининг 2024 йил 7 сентябрдаги “Кичик бизнесни узлуксиз қўллаб-қувватлаш комплекс дастурини такомиллаштириш чора-тадбирлари тўғрисида” ПҚ-312-сон қарори, 2025 йил 19 мартдаги “Кичик ва ўрта бизнеснинг иқтисодиётдаги ўрнини ошириш чора-тадбирлари тўғрисида” ПФ-50-сон Фармони, Ўзбекистон Республикаси Адлия вазирлиги томонидан 2023 йил 29 сентябрда 3460-сон билан рўйхатдан ўтказилган “Тижорат банкларида фоизларни ҳисоблаш тартиби тўғрисида”ги низом ва “Тадбиркорликни ривожлантириш компанияси” акциядорлик жамияти (кейинги ўринларда – Компания) устави асосида ишлаб чиқилган.

2. Мазкур Низом:

тижорат банклари ва микромолия ташкилотлари томонидан кичик тадбиркорлик субъектларига бир лойиҳа доирасида 300 миллион сўмгача ажратилган кредитларнинг 100 миллион сўмгача гаровсиз ажратилган қисмини қайта молиялаштириш ёки улар бўйича портфель кафиллигини тақдим этиш ҳамда кредит таваккалчилигини давлат ва микрокредит берувчилар ўртасида тақсимлашга оид муносабатларни;

ўз фаолиятини тегишлича якка тадбиркор, микрофирма ёки кичик корхона тоифасигача йириклаштирган ўзини ўзи банд қилган шахслар ва тадбиркорлик субъектларига 150 миллион сўмгача гаровсиз ажратилган қисмини қайта молиялаштириш ёки улар бўйича портфель кафиллигини тақдим этиш ҳамда кредит таваккалчилигини давлат ва микрокредит берувчилар ўртасида тақсимлашга оид муносабатларни;

Қорақалпоғистон Республикасида Ижтимоий ҳимоя ягона реестрида турган ишсиз фуқароларни иш билан таъминлаган кичик ва ўрта тадбиркорлик субъектларига ушбу фуқаролар учун ташкил қилган ҳар бир иш ўрни учун комплекс дастур доирасида ажратилган гаровсиз 100 миллион сўмгача микрокредитга қўшимча равишда 10 миллион сўмдан, бироқ 100 миллион сўмдан ортиқ бўлмаган миқдорда айланма маблағларини тўлдириш учун ажратилган кредитларни қайта молиялаштиришга оид муносабатларни тартибга солиди.

3. Низомда қуйидаги асосий тушунчалардан фойдаланилади:

микрокредит берувчилар – Компания билан микрокредитларни қайта молиялаштириш ёки улар бўйича портфель кафиллигини тақдим этиш йўналишида ҳамкорлик қилувчи тижорат банклари ва микромолия ташкилотлари;

қарз олувчилар – камида бир йил мобайнида фаолият юритаётган (оилавий тадбиркорлик дастури доирасида кредитни ўз вақтида қайтарган микрокредит олувчилар бундан мустасно) ва ижобий кредит тарихига эга бўлган кичик тадбиркорлик субъектлари;

ўз фаолиятини йириклаштирган тадбиркорлик субъектлари – 2025 йил 1 майдан бошлаб ўз фаолиятини якка тадбиркорга, микрофирма ёки кичик корхона тоифасигача йириклаштирган ўзини ўзи банд қилган шахслар ва кичик тадбиркорлик субъектлари.

Қорақалпоғистон Республикасида рўйхатга олинган тадбиркорлик субъектлари – Қорақалпоғистон Республикасида ижтимоий ҳимоя ягона реестрида турган ишсиз фуқароларни иш билан таъминлаган кичик ва ўрта бизнес субъектлари;

қайта молиялаштириш – қарз олувчига 100 миллион сўмгача, Қорақалпоғистон Республикасида рўйхатга олинган тадбиркорлик субъектларига қўшимча равишда 100 миллион сўмгача ҳамда 2025 йил 1 майдан бошлаб ўз фаолиятини йириклаштирган тадбиркорлик субъектларига 150 миллион сўмгача ажратилган микрокредитлар бўйича депозит жойлаштириш орқали қайта молиялаштириш;

гаров депозити – қайта молиялаштирилган микрокредитлар бўйича ҳудуд тоифасидан келиб чиқиб кредит таваккалчилигини Компания ва микрокредит берувчилар ўртасида тақсимлаш мақсадида тақдим этилган гаров маблағи;

портфель кафиллиги – микрокредит берувчилар томонидан ўз маблағлари ҳисобидан қарз олувчига 100 миллион сўмгача, Қорақалпоғистон Республикасида рўйхатга олинган тадбиркорлик субъектларига қўшимча равишда 100 миллион сўмгача ҳамда 2025 йил 1 майдан бошлаб ўз фаолиятини йириклаштирган тадбиркорлик субъектларига 150 миллион сўмгача гаровсиз ажратилган микрокредитлар бўйича мажбуриятларни бажариш учун жавоб бериш масъулиятини ҳудуд тоифасидан келиб чиқиб Компанияга юклайдиган кафиллик шартномаси.

скоринг таҳлил – 100 миллион сўмгача, Қорақалпоғистон Республикасида рўйхатга олинган тадбиркорлик субъектларига қўшимча равишда 100 миллион сўмгача ҳамда 2025 йил 1 майдан бошлаб ўз фаолиятини йириклаштирган тадбиркорлик субъектларига 150 миллион сўмгача гаровсиз

ажратилган микрокредитларни қайта молиялаштириш ёки улар бўйича портфель кафиллигини тақдим этиш мақсадида уларни Компаниянинг мезонларига мувофиқлигини саралаб олиш тизими;

буюртма – микрокредит берувчиларнинг ажратган микрокредитларини қайта молиялаштириш бўйича Компанияга юбориладиган ёки портфель кафиллигидан фойдаланиш юзасидан микрокредит берувчининг бўлинмаси томонидан (агар мавжуд бўлса) микрокредит берувчига юбориладиган сўров;

бош келишув – Компания ҳамда микрокредит берувчилар ўртасида микрокредитларини қайта молиялаштириш ёки портфель кафиллиги билан боғлиқ муносабатларни тартибга соладиган битим;

қайта молиялаштириш шартномаси – Компания ва микрокредит берувчилар ўртасидаги ҳар бир қайта молиялаштириладиган микрокредитлар бўйича томонларнинг ҳуқуқ ва мажбуриятларини белгилайдиган шартнома;

лойиҳа – тадбиркорлик фаолиятидан иқтисодий, ижтимоий ва бошқа манфаат кўриш мақсадида амалга ошириладиган тадбирлар ва ишлар мажмуи;

микрокредитдан мақсадсиз фойдаланиш – қарз олувчига ажратилган кредит эвазига сотиб олинган товар (хизмат)ларни шартномаларда белгиланган муддатларда етказиб берилмаслиги ва (ёки) етказиб берилган ҳолларда ҳам лойиҳа ишга туширилмаслиги ёхуд уларни сотиб юборилиши ёки бошқача тарзда бегоналаштирилиши;

муаммоли активлар (NPL) – сифати “қоникарсиз”, “шубҳали” ва “умидсиз” деб таснифланган активлар;

ижобий кредит тарихи – кредит бюроси маълумотномаси асосида сўндирилмаган муддати ўтган қарздорликлари мавжуд бўлмаган ва охириги 12 ойда муддати ўтган қарздорликлари бўйича 90 кундан ортиқ муддати ўтган қарздорликларга йўл қўймаган қарз олувчининг кредит тарихи, шу жумладан кредит тарихига эга бўлмаган қарз олувчилар ижобий кредит тарихига эга деб таснифланади;

воситачилик ҳақи – кафиллик хизматидан фойдаланиш учун тўланадиган ҳақ;

Компаниянинг ваколатли органи – буюртмани кўриб чиқиб, микрокредитларни қайта молиялаштириш бўйича қарор қабул қилувчи коллегиял орган;

“Tadbirkor” ахборот тизими – электрон рақамли имзодан фойдаланган ҳолда қайта молиялаштириш ва портфель кафиллигини тақдим этиш билан боғлиқ амалиётлар амалга ошириладиган ахборот тизими.

4. Компания томонидан микрокредитларни қайта молиялаштириш ёки портфель кафиллигини тақдим этиш ишлари тааллуқлилиги бўйича активларни бошқариш ҳамда кафиллик тақдим этиш бўлинмалари томонидан амалга оширилади.

5. Микрокредит берувчи ва қарз олувчиларга мувофиқлик мезонларини белгилаш, шунингдек бозор талаблари ва мавжуд ҳолатдан келиб чиққан ҳолда микрокредитларни қайта молиялаштириш ёки портфель кафиллигини тақдим этиш миқдорлари, параметр ҳамда қоидалари Компания Кузатув кенгаши томонидан белгиланади ва унинг қарори билан ўзгартириш ва қўшимчалар киритилади.

2-боб. Микрокредитларни қайта молиялаштириш ёки портфель кафиллигини тақдим этиш мувофиқлик мезонлари

6. Қуйидаги мувофиқлик мезонларини бажарган қарз олувчиларга ажратилган микрокредитлар қайта молиялаштирилади ёки портфель кафиллиги тақдим этилади:

тадбиркорлик субъекти сифатида рўйхатдан ўтганлигига бир йилдан ошган;

ижобий кредит тарихига эга бўлган;

Оилавий тадбиркорлик дастури доирасида кредитдан муваффақиятли фойдаланиб ўз вақтида қайтарган микрокредит олувчиларга микрокредитлар рўйхатдан ўтган даврдан қатъи назар ажратилади.

Бунда, микрокредит олувчи тадбиркорлик субъектининг таъсисчиси (таъсисчиларидан бири) ва/ёки раҳбари бўлиши лозим.

Микрокредит берувчилар, микрокредит олувчининг Оилавий тадбиркорлик дастури доирасида кредитдан муваффақиятли фойдаланганлигига;
2025 йил 1 майдан бошлаб ўз фаолиятини йириклаштирганлигига;

Қорақалпоғистон Республикасида ижтимоий ҳимоя ягона реестрида турган ишсиз фуқароларни иш билан таъминлаганлигига.

7. Қуйидаги мувофиқлик мезонларига мос келадиган микрокредит берувчилар томонидан ажратилган микрокредитлар қайта молиялаштирилади ёки портфель кафиллиги тақдим этилади:

а) тижорат банклари бўйича:

банк фаолиятини амалга ошириш ҳуқуқини берувчи лицензияси мавжуд бўлган;

сўнгги ҳисобот йили молиявий натижаларини зарар билан якунламаган (давлат улуши 50 фоиз ва ундан ортиқ бўлган тижорат банклари бундан мустасно);

устав капиталига қўйилган талаблар бўйича устав капиталини шакллантирган;

NPL кўрсаткичи 5 (беш) фоиздан ошмаган (давлат улуши 50 фоиз ва ундан ортиқ бўлган тижорат банклари бундан мустасно);

“Standard & Poor’s”, “Fitch Ratings” рейтинг компанияларининг “B-” va “Moody’s Investors Service” рейтинг компаниясининг “B3” рейтинг баҳоларидан паст бўлмаган;

Марказий банкнинг банкларга нисбатан ўрнатилган капитал монандлиги, ликвидлилиги ва қарз олувчилар билан боғлиқ пруденциал нормативларга риоя қилаётган (давлат улуши 50 фоиз ва ундан ортиқ бўлган тижорат банклари бундан мустасно).

б) микромолия ташкилотлари бўйича:

фаолиятини амалга ошириш ҳуқуқини берувчи лицензияга эга бўлган ва камида бир йил фаолият юритаётган;

молиявий натижаларга кўра сўнгги ҳисобот йилини зарар билан якунламаган;

устав капиталига қўйилган талаблар бўйича устав капиталини шакллантирган;

NPL кўрсаткичи 5 (беш) фоиздан ошмаган;

пруденциал меъёрларга риоя қилаётган.

в) Мазкур Битим амалда бўлган даврда микрокредит берувчилар мувофиқлик мезонларига мос келмай қолган тақдирда, микрокредит берувчилар мувофиқлик мезонларига мос келгунга қадар Компания томонидан қайта молиялаштириш ёки портфель кафиллиги тақдим этиш вақтинчалик тўхтатилади.

8. Компания:

а) гаровсиз ажратилган 100 миллион сўм доирасида микрокредитлар бўйича кредит таваккалчилигини давлат ва микрокредит берувчилар ўртасида тақсимлаш ёки улар бўйича Компаниянинг портфель кафиллигини тақдим этиш;

б) бир микрокредит берувчи бўйича қайта молиялаштирилган ва портфель кафиллиги тақдим этилган портфелга нисбатан:

муаммоли активлар улуши 3 (уч) фоиздан ошган тақдирда, ушбу микрокредит берувчи билан қайта молиялаштириш ёки портфель кафиллиги тақдим этиш шартларини қайта кўриб чиқади;

муаммоли активлар улуши 4 (тўрт) фоиздан ошган тақдирда қайта молиялаштириш ёки портфель кафиллиги тақдим этиш тўхтатади.

9. Микрокредит берувчилар қайта молиялаштирилган ёки портфель кафиллиги тақдим этилган микрокредитлар бўйича 1 (бир) йилда камида 2 (икки) мартаба мониторинг ўрганишларини ўтказиб боришлари лозим.

10. Мониторинг жараёнида микрокредитдан мақсадсиз фойдаланилганлиги аниқланган тақдирда, ушбу микрокредитлар миқдоридан кам бўлмаган ва белгиланган мезонларга мос келадиган бошқа микрокредитга алмаштирилади. Алмаштириш имконияти мавжуд бўлмаган ҳолларда қайта молиялаштирилган маблағ Компанияга 5 (беш) кун муддатда ҳисобланган фоизлар билан биргаликда қайтариб берилади.

3-боб. Микрокредитларни қайта молиялаштириш ёки портфель кафиллиги тақдим этиш тартиби ва шартлари

11. Мазкур Низомнинг 7–бандида белгиланган мувофиқлик мезонларига мос келувчи микрокредит берувчилар томонидан 6–бандда кўрсатилган мезонларга жавоб берувчи қарз олувчиларга ажратилган микрокредитлар қайта молиялаштирилади ёки улар бўйича портфель кафиллиги тақдим этилади.

12. Қайта молиялаштириладиган ёки портфель кафиллиги тақдим этиладиган микрокредитлар бўйича Компания жавобгарлиги микрокредитнинг асосий қарз қисмига нисбатан татбиқ этилади.

13. Қайта молиялаштириладиган ёки портфель кафиллиги тақдим этиладиган микрокредитлар қарз олувчига 7 (етти) йилдан ошмаган муддатга, 3 (уч) йилдан ошмаган имтиёзли давр билан йиллик 24 фоиздан ошмаган ставкада ажратилиши, Иқтисодиёт ва молия вазирлиги томонидан ажратилган бюджет ссудаси даврига мутаносиб равишда белгиланиши лозим.

Бунда, микрокредит берувчи микрокредит ажратилишида ҳар бир лойиҳанинг хусусиятини эътиборга олган ҳолда лойиҳанинг ўзини – ўзи қоплаш давридан келиб чиқиб лойиҳанинг муддати ва имтиёзли даври белгилаши керак.

Қайта молиялаштирилган ёки портфель кафиллиги тақдим этилган микрокредитлар имтиёзли даври ажратилган даврдан бошлаб 3 йилгача бўлган муддатгача, имтиёзли даври тугагандан сўнг асосий қарзни қайтариш бўйича тўлов муддатини ўзгартириш 7 йилгача бўлган муддатгача Компания билан келишилган ҳолда амалга оширилиши мумкин. Бунда микрокредитни қайтаришнинг охириги муддати Иқтисодиёт ва молия вазирлиги томонидан ажратилган бюджет ссудаси даврига мутаносиб равишда белгиланиши лозим.

Қорақалпоғистон Республикасида “Ижтимоий ҳимоя ягона реестри”да турган фуқароларни иш билан таъминлаган тадбиркорлик субъектларини айланма маблағларни шакллантириш учун қайта молиялаштириладиган микрокредитлар қарз олувчига 3 йилгача муддатга йиллик 14 фоиздан ошмаган ставкада Иқтисодиёт ва молия вазирлиги томонидан ажратилган бюджет ссудаси даврига мутаносиб равишда ажратилади.

14. Микрокредит берувчи томонидан қарз олувчига бир лойиҳа доирасида ажратилган 300 миллион сўмгача микрокредитнинг 100 миллион сўмгача, ўз фаолиятини йириклаштирган тадбиркорлик субъектларига 150 миллион сўмгача ҳамда Қорақалпоғистон Республикасида рўйхатга олинган тадбиркорлик субъектларига қўшимча 100 миллион сўмгача ажратилган микрокредитларнинг қайта молиялаштириладиган ёки улар бўйича тақдим этиладиган портфель кафиллиги алоҳида ссуда ҳисобрақамларида юритилиши лозим..

15. Бир қарз олувчига ажратилган микрокредитлар бўйича қарздорлик тўлиқ сўндирилмагунга қадар такроран қайта молиялаштирилмайди ва портфель кафиллиги тақдим этилмайди.

16. Микрокредитларни қайта молиялаштириш ва портфель кафиллигини тақдим этиш юзасидан микрокредит берувчилар билан умумий шартларни акс эттирувчи Бош келишув тузилади.

17. Микрокредит берувчилар ажратилган микрокредитларни қайта молиялаштириш ёки улар бўйича портфель кафиллигини тақдим этиш билан шуғулланувчи масъул ходимларни буйруқ асосида тайинлайди ва мазкур ходимларни ахборот тизимига киритиш учун Компанияга маълумот беради.

18. Микрокредит берувчилар ажратилган микрокредитлар бўйича қайта молиялаштириш ёки портфель кафиллигининг қайси биридан фойдаланиш юзасидан мустақил қарор қабул қилади ва бу ҳақида ҳудудий таркибий бўлинмасини (агар мавжуд бўлса) хабардор қилади.

19. Мазкур Низомнинг 1-иловасидаги йўналишлар бўйича ажратилган микрокредитлар қайта молиялаштирилмайди ҳамда портфель кафиллиги тақдим этилмайди.

1-§. Микрокредитларни қайта молиялаштириш тартиби ва шартлари

20. Мазкур Низомнинг 2-иловасидаги схемага мувофиқ микрокредит берувчилар томонидан ажратилган микрокредитлар қайта молиялаштирилади.

21. Микрокредитлар Иқтисодиёт ва молия вазирлигининг бюджет ссудаси маблағлари ҳисобидан қайта молиялаштирилади.

22. Микрокредитларни қайта молиялаштириш ставкалари, улар бўйича юзага келадиган кредит таваккалчилигини Компания ва микрокредит берувчилар ўртасида тақсимлаш мазкур Низомнинг **3а ва 3б-иловаларида** белгиланган тартибда амалга оширилади.

23. Микрокредит берувчилар томонидан ажратилган микрокредитларни қайта молиялаштириш учун 4-иловада келтирилган шаклда жамланма рўйхат (портфель) шакллантирилини ва ваколатли шахс томонидан тасдиқланган ҳолда Компанияга буюртма тақдим этилади.

24. Тақдим этилган буюртмалар Компания томонидан 10 иш куни давомида:

мувофиқлик мезонларига мослиги бўйича скорингдан ўтказилади;

белгиланган тартибларга риоя қилинмаган ёки мувофиқлик мезонларига мос келмаганда буюртма микрокредит берувчига тегишли тузатишларни киритиш учун қайтарилади;

белгиланган тартибларга ва мувофиқлик мезонларига мос келган буюртмаларни қайта молиялаштириш юзасидан қарор қабул қилиш учун Компаниянинг тегишли коллегиял органи муҳокамасига киритилади;

коллегиял орган томонидан ижобий қарор қабул қилинган тақдирда ҳар бир буюртмалар бўйича Компания ва Банк ўртасида қайта молиялаштириш, депозит гарови шартномалари расмийлаштирилади ҳамда ресурс маблағи Банкка ўтказиб берилади.

2-§. Портфель кафиллигини тақдим этиш тартиби ва шартлари

25. Мазкур Низомнинг 5-иловасидаги схемага мувофиқ микрокредитларга портфель кафиллиги тақдим этилади.

26. Портфель кафиллиги микрокредит берувчилар ҳамда Компания ўртасида тузилган топшириқ шартномасида белгиланган шарт ва миқдорларда Компания ҳисобидан микрокредит берувчилар томонидан қарз олувчиларга тақдим этилади.

27. Микрокредит берувчилар портфель кафиллигини тақдим этиш қарорини қабул қилувчи масъулни белгилайди. Масъул ходим топшириқ шартномаси ва мазкур низомда белгиланган тартибдан келиб чиқиб кафиллик ажратилиши юзасидан қарор қабул қилади.

28. Микрокредитларга тақдим этиладиган портфель кафиллигининг Компания ва микрокредит берувчилар ўртасида таваккалчиликларни тақсимлаш ушбу Низомнинг 6-иловасига асосан амалга оширилади.

29. Портфель кафиллигидан фойдаланиш юзасидан ижобий қарор қабул қилинган тақдирда кафиллик шартномаси қарз олувчи, Микрокредит берувчи ва Компаниянинг ваколатли шахслари томонидан имзоланади.

30. Портфель кафиллиги тақдим этилишида белгиланган тартибларга риоя қилинмаганда Компания томонидан кафиллик шартномаси имзоланмайди ҳамда унга тузатиш киритиш учун микрокредит берувчиларга қайтарилади.

31. Портфель кафиллигидан фойдаланиш учун КАТМнинг скоринг балл маълумотномасидан келиб чиқиб 6-иловада белгиланган миқдорларда воситачилик ҳақи олинади.

4-боб. Мажбуриятларнинг бажарилиши ва ҳисобдан чиқарилиши тартиби

32. Қарз олувчилар томонидан микрокредит қарздорлигини сўндириш юзасидан тўловлар амалга оширилганда, маблағлар қонунчиликда белгиланган тартибда сўндириш учун йўналтирилади.

33. Қарз олувчи микрокредитни қайтарганда ва микрокредит бўйича ўз мажбуриятларини камайтирганда, қайтарилган суммага мутаносиб (пропорционал) равишда гаров депозити ёки Компания кафиллиги таъминот таркибидан озод этилади.

1-§. Микрокредитларни гаров депозити ҳисобдан қоплаш тартиби

34. Микрокредит бўйича таваккалчилик қарздорлик тўлиқ сўндирилгунга қадар қарз олувчининг рўйхатдан ўтган туман (шаҳар) тоифасидан келиб чиқиб 3а ва 3б-иловаларида кўрсатилган миқдорда Компания ва микрокредит берувчи ўртасида тақсимлаб борилади.

35. Қайта молиялаштирилган микрокредитлар бўйича асосий қарздорлик қарз олувчи томонидан тўлов графигига мувофиқ қисман ёки тўлиқ миқдорда қайтарилмаган кундан бошлаб, ушбу қарздорлик сўндирилмагунча микрокредит берувчи томонидан Компанияга, ўз навбатида Компания томонидан Иқтисодиёт ва молия вазирлигига қайтарилмайди, бундан ҳисобланган фоизлар мустасно.

36. Микрокредит берувчилар қарз олувчи томонидан микрокредит шартномаси бўйича ўз мажбуриятларини бажармаган санадан бошлаб асосий қарз ва унга ҳисобланган фоизларни ундириш, жумладан, қарз олувчининг ҳисобварағидаги маблағларни унинг рухсатсиз олиб қўйиш чорасини кўриши лозим.

37. Микрокредит шартномасида белгиланган муддатларда қарздорликлар қайтарилмаган тақдирда микрокредит берувчи ушбу қарздорликларни қарз олувчи ҳамда гаров депозити ҳисобидан солидар тартибда ундириш юзасидан судга даъво ариза киритади.

38. Судга даъво аризаси киритилиши учун 7-иловада келтирилган шаклга мувофиқ Компания ва микрокредит берувчи ўртасида мажбуриятлар қолдиғини тасдиқловчи солиштирма далолатнома асос ҳисобланади. Солиштирма далолатномага қуйидаги ҳужжатлар илова қилинади:

қарз олувчи ва микрокредит берувчи ўртасида тузилган кредит шартномаси ва тўлов жадвали;

қарз олувчининг асосий ва ссуда ҳисобварағи айланмаси;

қарз олувчидан қарзни ундириш юзасидан амалга оширилган ишлар бўйича маълумот;

кредитдан мақсадли фойдаланилганлиги юзасидан қарз олувчи ва микрокредит берувчи ўртасида тузилган далолатнома.

39. Гаров депозити ҳисобидан ундириш юзасидан суднинг ҳал қилув қарори чиққандан сўнг микрокредит берувчи ундирувни гаров депозитига қаратади ва бу ҳақида 3 (уч) банк иш куни ичида суднинг ҳал қилув қарорини илова қилган ҳолда Компанияга ёзма хабар беради.

40. Қайта молиялаштириш шартномаси бўйича фоиз ҳисоблаш Компанияга нисбатан гаров депозити ҳисобидан ундириш тўғрисида қабул қилинган суднинг ҳал қилув қарори чиққан кундан бошлаб тўхтатилади.

41. Гаров депозити ҳисобидан ундириш юзасидан суднинг ҳал қилув қарори чиққан санадан қайта молиялаштирилган ресурс қолдиғининг гаров депозитига йўналтирилмаган қисми ва унга ҳисобланган фоизларни 5 (беш) банк иш кунида микрокредит берувчи томонидан Компанияга қайтарилади.

42. Қайта молиялаштириш шартномаси бўйича микрокредит берувчи томонидан Компанияга қайтарилмаган маблағларни Иқтисодиёт ва молия вазирлиги ҳисобидан чиқариш ва ажратилган бюджет ссудаси бўйича фоиз ва неустойкалар ҳисобланишини тўхтатиш учун суднинг тегишли ҳал қилув қарори асос бўлади.

43. Ундирув гаров депозитига қаратилгандан сўнг микрокредит берувчилар қайта молиялаштирилган микрокредит бўйича қопланмаган қарздорликни ундириш бўйича ишларни давом эттириши лозим.

Ундирилган маблағлар ҳудуд тоифасидан келиб чиқиб белгиланган таваккалчилик тақсимотида кўрсатилган миқдорда Компания ва микрокредит берувчи ўртасида тақсимланади.

44. Компания томонидан ундирилган маблағлар Иқтисодиёт ва молия вазирлиги билан тузиладиган ссуда шартномасига мувофиқ қайтарилади.

2-§. Муаммога айланган микрокредитларни портфель кафиллиги ҳисобидан қоплаш тартиби

45. Қарз олувчи микрокредит шартномаси бўйича ўз мажбуриятларини бажармаган санадан (лозим даражада бажармаганда) бошлаб микрокредит берувчи 90 календарь куни мобайнида қарз олувчидан микрокредит бўйича асосий қарзнинг қайтарилмаган қисмини ундириш, жумладан, қарз олувчининг ҳисобварағидаги маблағларни унинг рухсатисиз олиб қўйиш чорасини кўради.

46. Қарз олувчининг муддати ўтган қарздорлиги 90 кунда қайтарилмаган тақдирда микрокредит берувчи Компанияга қуйидаги ҳужжатларни илова қилинган ҳолда ваколатли шахс томонидан имзоланган талабномани юборади:

микрокредит шартномаси нусхаси;

микрокредит мақсадли ишлатилганлиги тўғрисида далолатнома;

қарз олувчининг бажарилмаган мажбуриятлари бўйича Компаниянинг жавобгарлик миқдори ҳисоб-китоби;

қарз олувчининг асосий ва ссуда ҳисобварағи айланмаси;

талабномани имзолаган шахснинг ваколатини тасдиқлайдиган ҳужжат нусхаси;

қарз олувчидан қарзни ундириш юзасидан амалга оширилган ишлар бўйича маълумот.

47. Тақдим этилган талабнома ва унга илова қилинган ҳужжатлар 10 (ўн) банк иш куни ичида Компания томонидан кўриб чиқилади ва камчиликлар аниқланмаган тақдирда мажбурият суммаси микрокредит берувчига талабномада кўрсатилган реквизит бўйича ўтказиб берилади.

48. Портфель кафиллигидан фойдаланишда белгиланган тартибларга риоя қилинмаган тақдирда талабнома микрокредит берувчига тегишли тузатишларни киритиш учун қайтарилади.

49. Кафиллик бўйича тўловлар тўлангандан сўнг Компания қарз олувчининг бошқа ликвид мулки ҳисобидан, шу жумладан, судга мурожаат қилиш орқали қопланишини регресс тартибида талаб қилишга ҳақли.

50. Компания талабномани қуйидаги ҳолатларда рад этишга ҳақли:

Компаниянинг ёзма рухсатисиз микрокредит шартномаси бўйича мажбуриятларда шахслар алмаштирилганда;

микрокредит белгиланган мақсадларда фойдаланилмаганлиги аниқланганда.

5-боб. Яқунловчи қоидалар

51. Микрокредит берувчилар томонидан тақдим этилган барча маълумотлар ва унда кўрсатилган кўрсаткичларнинг ҳаққонийлиги учун микрокредит берувчи жавобгар ҳисобланади.

52. Компанияга (буюртмага) нотўғри ва/ёки ёлғон маълумотларнинг тақдим қилинганда, ушбу маълумотлар асосида молиявий ёрдам олиниши оқибатида қарз оловчи томонидан мажбуриятлар ўз вақтида бажарилмаганлиги учун Компания жавобгар ҳисобланмайди.

53. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

54. Ушбу Низомни амалга оширишда юзага келадиган низолар қонун ҳужжатларида белгиланган тартибда, шу жумладан суд тартибида ҳал этилади.

“Тадбиркорликни ривожлантириш компанияси”
акциядорлик жамияти томонидан микрокредитларни
қайта молиялаштириш ёки улар бўйича портфель
кафиллигини тақдим этиш тартиби тўғрисидаги
низомга 1-илова

**Компания томонидан қайта молиялаштирилмайдиган ва
портфель кафиллиги тақдим этилмайдиган йўналишлар:**

қиморхона ва биллиардхоналар, алкоголь ва тамаки маҳсулотлари ишлаб чиқариш ва (ёки) улар савдосини ташкил этиш;

илгари олинган кредит (лизинг)ларни ёки бошқа ҳар қандай қарзни қайтариш;

ёрдам кўрсатилаётган лойиҳалар бўйича ишлаб чиқаришда иштирок этмайдиган енгил автотранспорт воситаларини харид қилиш;

қайта молиялаштириладиган ёки портфель кафиллиги тақдим этиладиган лойиҳа бўйича кафиллик ва компенсация шартномалари мавжуд бўлган ёки илгари мазкур ёрдамлардан мақсадсиз фойдаланган бўлса.

“Тадбиркорликни ривожлантириш компанияси” акциядорлик жамияти томонидан микрокредитларни қайта молиялаштириш ёки улар бўйича портфель кафиллигини тақдим этиш тартиби тўғрисидаги низом

“Тадбиркорликни ривожлантириш компанияси”
акциядорлик жамияти томонидан микрокредитларни
қайта молиялаштириш ёки улар бўйича портфель
кафиллигини тақдим этиш тартиби тўғрисидаги
низомга 2-илова

Микрокредитларни қайта молиялаштириш СХЕМАСИ

Босқичлар	Субъектлар	Тадбирлар	Ижро муддати
1-босқич	Қарз олувчи	Микрокредит олиш учун тегишли хизмат кўрсатувчи микрокредит берувчининг ҳудудий бўлинмасига ариза билан мурожаат қилади.	Заруратга кўра
2-босқич	Микрокредит берувчиларни ҳудудий бўлинмалари	Микрокредит ажратиш ёки рад этиш бўйича қарор қабул қилади, шу жумладан тадбиркорнинг мувофиқлик мезонига мослигини ўрганади. Ижобий қарор қабул қилинган тақдирда унга микрокредит ажратади. Ажратилган микрокредит бўйича жамланма рўйхат ахборот тизимида шакллантирилади.	Микрокредит берувчининг ички меъёрий ҳужжатларида белгиланган муддатда
3-босқич	Микрокредит берувчи	Ахборот тизимида шакллантирилган рўйхатни кўриб чиқади ва жамлайди. Ажратилган микрокредитни қайта молиялаштириш учун жамланма рўйхатни шакллантиради. Мувофиқлик мезонларига мос келувчи микрокредитлар жамланма рўйхатини қайта молиялаштириш учун Компанияга буюртма тақдим этади.	Заруратга кўра
4-босқич	Компания	Микрокредит берувчи томонидан тақдим этилган буюртма бўйича микрокредит портфелини ўрганиб чиқади ва қарор қабул қилади. Қайта молиялаштириш рад этилган микрокредитлар бўйича Микрокредит берувчини ёзма тарзда хабардор қилади.	3 иш куни
5-босқич	Микрокредит берувчи ва Компания	Ижобий қарор қабул қилинган микрокредитлар бўйича микрокредит берувчи билан Компания ўртасида қайта молиялаштириш ва депозит гарови шартномасини имзолайди.	3 иш куни
6-босқич	Компания	Имзоланган қайта молиялаштириш шартномасига асосан микрокредит берувчига микрокредитларни қайта молиялаштириб беради.	2 иш куни
7-босқич	Микрокредит берувчи	Компания томонидан ўтказиб берилган маблағларнинг бир қисми ҳудуд тоифасидан келиб чиқиб гаров сифатида расмийлаштирилади.	Микрокредит берувчининг ички меъёрий ҳужжатларида белгиланган муддатда

*Ушбу схемага иш жараёнини соддалаштириш ёки такомиллаштирилишидан келиб чиқиб Компания томонидан ўзгартириш ва қўшимчалар киритиб борилади.

“Тадбиркорликни ривожлантириш компанияси” акциядорлик жамияти томонидан микрокредитларни қайта молиялаштириш ёки улар бўйича портфель кафиллигини тақдим этиш тартиби тўғрисидаги низом

*“Тадбиркорликни ривожлантириш компанияси”
акциядорлик жамияти томонидан микрокредитларни
қайта молиялаштириш ёки улар бўйича портфель
кафиллигини тақдим этиш тартиби тўғрисидаги
низомга 3а-илова*

**Гаровсиз ажратилган микрокредитларни
қайта молиялаштириш ва таваккалчиликни тақсимлаш шартлари**

Туман (шаҳар) тоифаси	Микрокредит таваккалчилигини тақсимлаш		Компания (ресурс) маблағларининг фоиз ставкаси
	Компания	Микрокредит берувчилар	
5-тоифа	80 фоиз	20 фоиз	12,5 фоиз
4-тоифа	60 фоиз	40 фоиз	13,5 фоиз
3-тоифа	40 фоиз	60 фоиз	14,5 фоиз
2-тоифа	20 фоиз	80 фоиз	17 фоиз
1-тоифа			18 фоиз

Изоҳ: “Кичик бизнесни ривожлантириш жамғармаси” томонидан тижорат банкларига илгари жойлаштирилган ресурс маблағлари тасдиқланган графиклар асосида сўндирилганидан сўнг Компания томонидан қайта молиялаштиришга йўналтирилади.

“Тадбиркорликни ривожлантириш компанияси” акциядорлик жамияти томонидан микрокредитларни қайта молиялаштириш ёки улар бўйича портфель кафиллигини тақдим этиш тартиби тўғрисидаги низом

“Тадбиркорликни ривожлантириш компанияси”
акциядорлик жамияти томонидан микрокредитларни
қайта молиялаштириш ёки улар бўйича портфель
кафиллигини тақдим этиш тартиби тўғрисидаги
низомга 36-илова

Қорақалпоғистон Республикасида “Ижтимоий ҳимоя ягона реестри”да турган фуқароларни иш билан таъминлаган тадбиркорлик субъектларига айланма маблағларни шакллантириш учун қўшимча 100 миллион сўмгача гаровсиз ажратилган микрокредитларни қайта молиялаштириш ва таваккалчиликни тақсимлаш шартлари

Туман (шаҳар) тоифаси	Микрокредит таваккалчилигини тақсимлаш		Компания (ресурс) маблағларининг фоиз ставкаси
	Компания	Микрокредит берувчилар	
5-тоифа	80 фоиз	20 фоиз	Иқтисодиёт ва молия вазирлиги томонидан ажратилган бюджет ссудаси фоизига 1 фоиз устама кўшган ҳолда ажратилади
4-тоифа	60 фоиз	40 фоиз	
3-тоифа	40 фоиз	60 фоиз	
2-тоифа	20 фоиз	80 фоиз	
1-тоифа			

“Тадбиркорликни ривожлантириш компанияси” акциядорлик жамияти томонидан микрокредитларни қайта молиялаштириш ёки улар бўйича портфель кафиллигини тақдим этиш тартиби тўғрисидаги низом

“Тадбиркорликни ривожлантириш компанияси”
акциядорлик жамияти томонидан микрокредитларни
қайта молиялаштириш ёки улар бўйича портфель
кафиллигини тақдим этиш тартиби тўғрисидаги
низомга 4-илова

ПҚ-312-сон қарорга асосан қайта молиялаштириладиган микрокредитлар бўйича реестр

№	Анкета рақами (ГРКИ заявка)	Қарздор номи	СТИР/ПНФЛ	Худуди	Қарздор тури (кичик, ўрта)	Рўйхатдан ўтган туман	Фаолият юритадиган тумани	ПФ-287 бўйича тоифаси	Асосий ссуда хисобрақами (20 талик)	Кредит валютаси	Кредит шартномаси санаси	Ҳақиқатда кредит ажратилган сана	Кредитни қайтариш охириги санаси	Кредит шартномаси сўммаси	Ҳақиқатда ажратилган кредит микдори	Кредит асосий қисмининг жами қолдиғи	Фонд устамаси ставкаси (йиллик)	Кредит муддати	Имтиёзли даври	Кредит мақсади (тўлиқ)	Қўшимча маълумотлар	Қўшимча маълумотлар	Қўшимча маълумотлар	Қўшимча маълумотлар	Таъминот микдори (94502,94503)	Кредит сифати таснифи (1,2,3,4,5)	Тижорат банки	Филиали (МФО)
Жами																												
1																												
2																												
3																												

“Тадбиркорликни ривожлантириш компанияси” акциядорлик жамияти томонидан микрокредитларни қайта молиялаштириш ёки улар бўйича портфель кафиллигини тақдим этиш тартиби тўғрисидаги низом

*“Тадбиркорликни ривожлантириш компанияси”
акциядорлик жамияти томонидан микрокредитларни
қайта молиялаштириш ёки улар бўйича портфель
кафиллигини тақдим этиш тартиби тўғрисидаги
низомга 5-илова*

Портфель кафиллигини тақдим этиш СХЕМАСИ

Босқичлар	Субъектлар	Тадбирлар	Ижро муддати
1-босқич	Қарз олувчи	Микрокредит олиш учун тегишли хизмат кўрсатувчи микрокредит берувчининг ҳудудий бўлинмаларига ариза топширади.	Заруратга кўра
2-босқич	Микрокредит берувчиларнинг ҳудудий бўлинмалари	Микрокредит ажратиш ёки рад этиш бўйича қарор қабул қилади, шу жумладан тадбиркорнинг мувофиқлик мезонига мослигини ўрганади. Ижобий қарор қабул қилинган тақдирда портфель кафиллигидан фойдаланиш юзасидан буюртмани микрокредит берувчига юборади.	Микрокредит берувчининг ички меъёрий ҳужжатида белгиланган муддатда
3-босқич	Микрокредит берувчи	Банкнинг ҳудудий бўлинмаси томонидан юборилган буюртмани белгиланган талаб ва шартлардан келиб чиқиб ўрганади ва ижобий қарор қабул қилган тақдирда ахборот тизимида кафиллик шартномаси автоматик тарзда шаклланади.	Заруратга кўра
4-босқич	Микрокредит берувчининг ҳудудий бўлинмаси Қарз олувчи Компания	Портфель кафиллиги учун воситачилик тўлови тўланади ва кафиллик шартномаси уч томонлама имзоланади.	Кафиллик шартномасида белгиланган муддатларда
5-босқич	Микрокредит берувчининг ҳудудий бўлинмаси	Микрокредитни ажратади.	Микрокредит шартномасида белгиланган муддатларда

**Ушбу схемага иш жараёнини соддалаштириш ёки такомиллаштирилишидан келиб чиқиб Компания томонидан ўзгартириш ва қўшимчалар киритиб борилади.*

“Тадбиркорликни ривожлантириш компанияси” акциядорлик жамияти томонидан микрокредитларни қайта молиялаштириш ёки улар бўйича портфель кафиллигини тақдим этиш тартиби тўғрисидаги низом

“Тадбиркорликни ривожлантириш компанияси”
акциядорлик жамияти томонидан микрокредитларни
қайта молиялаштириш ёки улар бўйича портфель
кафиллигини тақдим этиш тартиби тўғрисидаги
низомга 6-илова

**Гаровсиз ажратилган микрокредитлар бўйича
кафиллик тақдим этиш ва таваккалчиликни тақсимлаш шартлари**

Туман (шаҳар) тоифаси	Микрокредит таваккалчилигини тақсимлаш		Воситачилик ҳақи
	Компания	Микрокредит берувчилар	
5-тоифа	80 фоиз	20 фоиз	“Кредит-ахборот таҳлилий маркази” кредит бюросининг рейтингидан келиб чиқиб Компаниянинг тарифларида белгиланган миқдорда
4-тоифа	60 фоиз	40 фоиз	
3-тоифа	50 фоиз	50 фоиз	
2-тоифа			
1-тоифа			

“Тадбиркорликни ривожлантириш компанияси” акциядорлик жамияти томонидан микрокредитларни қайта молиялаштириш ёки улар бўйича портфель кафиллигини тақдим этиш тартиби тўғрисидаги низом

“Тадбиркорликни ривожлантириш компанияси”
акциядорлик жамияти томонидан микрокредитларни
қайта молиялаштириш ёки улар бўйича портфель
кафиллигини тақдим этиш тартиби тўғрисидаги
низомга 7-илова

**Компания ва микрокредит берувчи ўртасида __.__.____ йил ҳолатига мажбуриятлар
қолдиғини тасдиқловчи солиштирма далолатнома**

Т/р	Давр	Ҳисобланган ресурс, фоиз, неустойка ва бошқалар				Тўланган ресурс, фоиз, неустойка ва бошқалар*				Тўланадиган ресурс, фоиз, неустойка ва бошқалар			
		Жами	Асосий қарз	Фоиз	Неустойка ва бошқалар	Жами	Асосий қарз	Фоиз	Неустойка ва бошқалар	Жами	Асосий қарз	Фоиз	Неустойка ва бошқалар
<i>1</i>	<i>2</i>	<i>3</i>	<i>4</i>	<i>5</i>	<i>6</i>	<i>7</i>	<i>8</i>	<i>9</i>	<i>10</i>	<i>(3-7)</i>	<i>(4-8)</i>	<i>(5-9)</i>	<i>(6-10)</i>
	Жами												
1													
2													

*Ушбу жадвал Компания ва микрокредит берувчи талабидан келиб чиқиб ўзгариши мумкин.